

FITARIHANA

♪ [Vondron'ankizy anankiray no mihira ny *Ny Fivavahan'ny Andro Fahiny*—Mpand.] Azo antoka fa manana ianareo. Raha tena tsara ho anareo rehetra izany, dia tena tsara ho anay, ihany koa.

² [Hoy ny rahalahy anankiray hoe, “Ankehitriny dia manolotra ny fanomezany ho anao izy ireo.”—Mpand.] Oadray, mahafatifaty ilay izy. [Manolotra fanomezana anankiray andRahalahy Branham ireo ankizy.] Misaotra anareo. [Hoy ny anabavy anankiray hoe, “Fanomezana kely fotsiny, Ranadahy Branham, nitahiry ny iraimbilanja sy ny ariariny ireo ankizy. Ary...?...”] Misaotra anareo. Misaotra anao, rahalahy keliko. Misaotra anareo, rankizy. Misaotra anareo mihitsy, tena, tena betsaka aho. Ary Andriamanitra hitahy anareo.

³ Fantatrareo, hoy Jesosy hoe, “Isaky ny manome an’ireo madinika indrindra ireo ianareo, dia nanao an’izany Tamiko ianareo.” Hitanareo? Ianareo no lehilahy sy vehivavin’ny rahampitso. Raha misy ny rahampitso anankiray, dia ho ao ianareo.

⁴ Voaraiko ilay iraimbilanja. Misaotra anareo betsaka malala. Ho sokafako ve ity? [Manokatra an'ilay fanomezana Rahalahy Branham ary mamaky an'ilay karatra—Mpand.] Vitanareeo tena tsara tarehy ilay izy, somary sarotra ny...oh oadray, mahafatifaty ilay izy. Tsy maintsy maka ny solomasonry i dadabe, fantatrareo: “Finoana ao amin’ny...voa iray an’ny voatsinampy...Hafatra avy amina...”

Tsy mamy ve izany? Hitanareo? Oh, oadray, oadray! Misalasala aho nomenareo an’ity. “Rahalahy Branham malala, Oh, tena sakaiza tsara tokoa ianao. Manantena izahay fa ianao dia ho—ianao dia ho voatahy amin’ny zavatra rehetra izay hitanao. Tia anao izahay; amin’ny fahasambarana rehetra; ary enga anie, Jesosy Tompo malala hitahy anao betsaka.”

Oh, tena mahafatifaty ilay izy. Misaotra anareo, malala, ny tsirairay ary ianareo rehetra. Tena mahafinaritra ilay izy.

[Hoy ny rahalahy anankiray hoe, “Rahalahy Branham, mino aho fa ho ekenao ny hanananay mpampianatra Sekoly Alahady tsara anankiray.”—Mpand.]

Tena manana ianareo. (Tazony ho ahy fotsiny ity, ry Billy.) Ankehitriny, izao ilay izy, vita tena tsara, tsy tiako ny hamaha an'ilay izy. Tena tsara tarehy. Tambazako fa ny iray amin’ireo mama no nanao an’ity. Marina ve izany? [Manokatra fanomezana iray hafa Rahalahy Branham—Mpand.] Hah? Eny, izaho dia tsy maintsy... Tsy hampitsambikina ve ity? Oh, oadray. Oh. Oh,

oadray. Tena mamy ilay izy . . . ? . . . hiaraka amin'izany izahay. Leo, dia hanontany tena hoe an'ny fianakaviana iza izy. Atsofony ao anatin'ny sary rehetra izany. Tena tsara ilay izy.

Ankehitriny, rankizy, ity no ho tandroky ny rehetra ary halaiko ity ka hahantoko ao amin'ny tranonay vaovao. Ary ataoko fa raha mbola—mbola manana trano foana izahay dia halainay ity ho fahatsiarovana an'ity sekoly Alahady kely eto Prescott ity. Misaotra an'Andriamanitra aho, misaotra ny Tompo aho amin'ny zavatra rehetra; ary misaotra an'Andriamanitra aho ny amin'izao tovolahy sy tovovavy kely tahaka anareo rehetra izao. Mahatsiaro ny tenako fotsiny tamin'izany—izany andro izany. Andriamanitra hitahy anareo rehetra. Misaotra be dia be, hia, tena tsara ilay izy. Tsindrimandry, izany fotsiny ihany no nilaintsika, zavatra tahaka an'izany. Sa tsy izany?

[Miresaka ny rahalahy anankiray—Mpand.] Tsara.

[Milaza ny rahalahy anankiray fa ny fihirana dia efa voalamina amin'ny minitra farany.] Izany hoe rehefa mety ilay izy.

[Vondron'anabavy anankiray no mihira ny *Nidina Avy Tamin'ny Voninahiny*, avy eo dia manaraka ny mpanatrika.]

O tena tiako Izy! Tena deraiko Izy!
 Fofon'aiko, fahazavako, rehetra amin'ny
 rehetrako!
 Ilay Mpamorona lehibe no tonga Mpamonjiko,
 Ary ny fahafenoan'Andriamanitra rehetra no
 mitoetra ao Aminy.

[Manohy mihira ny isan'andininy amin'ny *Nidina Avy Tamin'ny Voninahiny* ireo anabavy. Mitarika ny *Minoa Fotsiny* ny rahalahy anankiray—Mpand.]

. . . minoa fotsiny,
 Azo atao ny zavatra rehetra, minoa fotsiny;
 Minoa fotsiny, minoa fotsiny,
 Azo atao ny zavatra rehetra, minoa fotsiny.

Mino aho fa afaka mitory teny adiny efatra aho ankehitriny, taorian'izay rehetra izay. Nanomboka nieritreritra aho hoe reraka aho. Tsy mahagaga ianareo tovovavy kely ireo raha mahay mihira tena tsara, ianareo tovovavy kely sy tovolahy kely ireo; henoy hoe toy ny ahoana no fihiran'ireo anabavinareo lehibe, sy ireo reninareo, mpihira mahafinaritra. Tena tsara tarehy ilay izy. Iza ity tovovavy kely izay nitarika an'ilay hira ity, tsy ianao ve ilay tovovavy kely izay nifanena tamiko teo? Tena manana feo tsara ianao; ianareo rehetra. Ianareo fotsiny . . . Mino aho fa izay ilay izy, ny fihirana tsara indrindra tsy mbola reko mihitsy, dia tena eto. Mianatra an'izany isan'andro ve ianareo rehetra? [Hoy ny rahalahy anankiray hoe, "Tsia. Tahaka an'izany no fihiranay."—Mpand.] Eny, lazaiko aminareo,

ianareo—ianareo dia azo antoka fa voatahy amin'ny karazana hira tena tsara.

⁵ Tiako ny fihirana tsara. Tiako mihitsy ny tena fihirana tsara. Niteny foana aho hoe, rehefa tonga any An-danitra aho dia tiako ny ho tonga eo amin'izay hihiran'izy ireo, ka mihaino. Tsy mety afa-po amin'ny fihirana mihitsy aho.

⁶ Fantatrareo, ny fihirana dia manome herim-po. Fantatrareo izany, sa tsy izany? Ireo miaramila, rehefa handeha hiady izy ireo, dia fantatrareo ve ny atao'n'izy ireo? Milalao mozika izy ireo sy mihira, ary ireo zavatra izay hanome herim-po azy ireo. Ary rehefa handeha hiady isika, dia mihira isika, ary—ary izany no manome herim-po antsika mba handroso.

⁷ Misaotra anareo sakaiza kely aho ny amin'izao fanomezana tsara izao. Ary izany dia... Rtoa. Branham, sy avy amin'i Rebekah, sy Joseph, sy Sarah, ary izahay rehetra, misaotra anareo betsaka izahay. Sarotra ny milaza, ahoana no hitenenana amin'ireo sakaiza kely ireo, "Tsia. Nanangona ny iraimbilanganareo ianareo. Izaho—izaho dia tsy te-handray an'izany." Fantatrareo izay tsapako, tsy te-handray an'izany aho. Kanefa njery ny tato aho dia nasian'izy ireo ravim-bola folo dolara tato amin'ity karatra ity. Nieritreritra aho hoe, "Vitako ve ny handray an'izany?" Nieritreritra aho hoe, "Ahoana no hahavitako an'izany?"

⁸ Saingy mahatsiaro tantara kely anankiray izay mba tiako ho fantatrareo aho. Indray andro dia nisy vehivavy mpitonandra tena anankiray, nanan-janaka maro izy, angamba ny... ny papan'ireo ankizy kely ireo dia efa lasa. Ary iraimbilanja anankiroa sisa no nananany. Ary nandeha teny an-dàlambe izy, indray mandeha... Ary volan'ny am-pahafolony izany, iraimbilanja tahaka ny nangoninareo rehetra, ary napetrany tao anatin'ny fitehirizam-bolan'Andriamanitra izany. Nitsangana teo Jesosy, nandinika azy. Ary nanontany tena aho hoe, "Inona no ho nataoko raha izaho no nitsangana teo?" Mety ho nandeha aho ka nanao hoe, "Tsia, tsia, ranabavy, aza manao an'izao. Izahay—izahay tsy, tena tsy mila an'io. Ianao no mila an'io ho an'ireo ankizy ireo." Hitanareo? Ankehitriny, tsy ho namela azy hanao an'io aho. Saingy Jesosy no namela azy hanao an'io. Hitanareo, Izy no namela azy hanao an'io. Nahoana? Fantany fa tsara kokoa ny manome noho ny mandray. Fantany izay Hataony ho azy, hitanareo.

Koa misaotra anareo namana kely ireo aho, amin'ny foko rehetra.

⁹ Tiako ny hisaotra ny tsirairay sy ny isan'isany aminareo, amin'ity fotoan'ny fiombonana tsara ity, Rahalahy Leo sy Gene. Efa telo andro an'ny fanompoana izao, ho ahy. Na dia any anaty ala any aza, rehefa mampiala sasatra ny tenako aho ka mieritreritra ny hihaza aho, na manao ahoana aho na ahoana,

dia mijery anareo aho ary mandre anareo miresaka. Nanana tombontsoa aho izao tolakandro izao nitsidika ny tranonareo. Tsy mbola nahita mihitsy aho, tsy nandeha tao amin'ny, antsoiko hoe vohitra ilay izy, izay mba nahitako trano maro madio, sy olona milamina, ary fanajana betsaka an'i Kristy sy ny Filazantsara. Izaho—izaho dia tsy mbola nahita an'izany mihitsy na taiza na taiza. Ary ianareo mihitsy no nanomboka teo amin'ny lâlana tsara, manohiza fotsiny dia homba anareo Andriamanitra. Ary nahita ny sasany taminareo aho. Nahita aho, indray andro, an'ireo anabavy, tsy nahafantatra azy ireo akory aza aho, satria ny hany hitako dia saiky ny mason'izy ireo sy ny orony fotsiny, avy teo amin'ireo saron-dohany. Ary ankehitriny dia mino aho fa mahafantatra anareo bebe kokoa aho, tamin'ny alàlan'ny fanajan'ny Rahalahy Leo sy Gene, izay nitondra ahy nanodidina ka nitsidika ny tranonareo; ary afaka nandray tànana an'ireo—ireo ankizy, ireo mpaminany sy mpaminanivavin'ny taona ho avy, raha misy ny taona anankiray ho avy.

¹⁰ Fantatrareo, Jesosy dia tia ny ankizy madinika. Fantatrareo, tia Izy. Ary nisy tovolahy kely anankiray, indray mandeha, nantsoina hoe Mosesy, hiresaka ny aminy vetivety fotsiny isika. Ary izy dia mahafinaritra anankiray...Fantatrareo ve izay nanao azy, nanampy hahatonga azy ho tovolahy mahafinaritra anankiray? Nanana reny tsara anankiray nitaiza azy izy. Hitanareo, izay ilay izy. Nampianatra azy ny momba ny Tompo izy. Ary ianareo tovolahy kely sy tovovavy ireo dia manana izany karazana reny mitaiza anareo izany, mampianatra anareo ny momba ny Tompo. Tandremo fotsiny izy ireny.

¹¹ Fantatrareo ve hoe inona, fantatrareo ve hoe inona no Didy voalohany ao amin'ny Baiboly, ny Didy voalohany miaraka amin'ny teny fikasana, miaraka amin'ny teny fikasana anankiray? Mety ho sarotra kely aminareo angamba ny hahazo an'ireo Didy ireo. Ny Didy voalohany, dia, "Aza manana andriamanin-kafa fa Izy ihany." Saingy ny Didy lehibe kosa...Ary ny Didy voalohany izay manana teny fikasana miaraka aminy, hitanareo, dia ho an'ny ankizy. Efa fantatrareo ve izany? Hitanareo, hoy Izy hoe, "Rankizy, manajà ny raiamandreninareo, mba ho lava andro eto ambonin'ny tany, izay omen'ny Tompo Andriamanitrareo anareo." Ny mihaino ny raiamandreninareo sy manao izao hataonareo izao, izany no hanome anareo andro lava eto ambonin'ny tany, izay omen'ny Tompo anareo, andro maro hanompoana Azy.

¹² Manantena aho, anio, fa mijery andiana mpitory teny sy mpihira ary evanjelista an'ny andro izay ho avy aho, raha misy ny andro anankiray aorian'ny antsika.

¹³ Ary misy zavatra anankiray eto, ianareo—ianareo dia mamono namana anankiray amin'ny hatsaram-panahy. Nihinana aho mandra-pahatonga ahy tsy afaka nihinana intsony, ary izaho—ary izaho dia tsy mbola voakarakara betsaka

tahaka izany mihitsy. Raha Anjely anankiray aho, nidina avy tany An-danitra, dia tsy mbola voakarakara tsara tahaka izany aho. Ny zavatra tokana izay azoko lazaina aminareo, dia, "Misaotra anareo." Ary rehefa mandeha any Tucson ianareo, dia mety tsy hahavita hikarakara anareo tsara toy izao aho, satria tsy haiko hoe ahoana; tsy manana an'ireo fomba fanaovana azy aho, saingy hanao izay tsara indrindra vitako kosa aho. Tongava.

¹⁴ Rahalahy sy Ranabavy Shantz, tiako tokoa ny hisaotra azy ireo. Ary nahazo tombontsoa aho tamin'ny fihaonana tamin'ny zanakavavinareo tanora, tsara tarehy, sy ny zanakalahy, izao tolakandro izao. Ary—ary namela anay hampiasa ny tranony eto hisokatra ho an'ny fanompoana. Nisy zavatra tahaka an'izany izay niseho tamin'ny andron'ny Baiboly, fantatrareo, fa ny Filazantsara dia... Fantattro fa toy ny zavatra tena kely izany. Izahay, izahay dia mihevitra fa tsy izany io. Saingy tena mitovy izany raha Andriamanitra... amin'Andriamanitra, tahaka ny naха-изи azy tamin'izany andro izany.

¹⁵ Tsarovy, raha mbola hisy taona maro hafa, dia hitodika eto izy ireo ka hanao hoe, "Raha mba niaina tamin'izany andro tao Prescott izany fotsiny mantsy aho! Raha mba niaina fotsiny mantsy aho..." Hitanareo? Ankehitriny dia isika no miaina amin'io andro io. Hitanareo? Avy eo isika dia tonga eo amin'ny faran'ilay lalana, koa dia miandry ny valim-pitantsika isika amin'ilay Andro lehibe.

¹⁶ Ankehitriny dia hanokatra ny Tenin'Andriamanitra isika ary hamaky. Saingy alohan'ny hanokafantsika mihitsy, dia ndao isika hiresaka Aminy fotoana fohy fotsiny.

¹⁷ Jesosy Malala, tsy haiko ny haneho ny—ny fihetseham-poko sy ny fankasitrahako amin-dRahalahy Mercier, Rahalahy Goad, ary ireto vahoaka mahafinaritra rehetra ireto sy ireo zanany madinika, noho ny fahatsarana izay nasehony anay hatramin'ny naha-teto anay. Ilay fahatsaram-panahy dia mihoatra noho izay nantenainay. Ary fantatray fa maha-te-ho tia sy mahafinaritra izy ireo. Saingy tsy fantatray kosa fa izahay dia ho voakarakara tsara tahaka ny fombam-panjaka anankiray. Ary, Tompo, mivavaka aho mba ho ato amin'ity tobin'olona ity foana ny Fanatrehanao, ny Fanahy Masina anie hameno ny fo rehetra eto, ary Ianao anie hanome azy ireo ny Fiainana Mandrakizay. Ary enga anie izahay, raha mifaly izahay androany, enga anie hisy ny Andro anankiray tsy misy fiafarany izay hihaonanay eo amin'ny Fanatrehan'Ilay tomponinay sy tianay, mba hanomezanay ny dera rehetra ho an'ireo zavatra ireo. Mandra-pahatongan'izany fotoana izany, Tompo, dia hazony hahatoky Azy sy amin'ny Teniny izahay. Amin'ny Anaran'i Jesosy no ivavahanay. Amena.

¹⁸ Ankehitriny, nitazona anareo ela loatra aho aninkeo maraina, hiezaka aho ka hanao azy ho tena haingana izao

tolakandro izao, ary hiresaka amin'ny fomba mety ho an'ny namana madinika, ary ny antitra dia hahazo, ihany koa.

¹⁹ Izaho dia hamaky ny—ny Soratra eto, hita ao amin'ny Bokin'i Masindahy Marka, ary hamaky aho manomboka amin'ny andininy faha-17 an'ny toko faha-10-n'i Masindahy Marka, ampahany anankiray.

Ary nony vao nivoaka nankeny an-dàlana izy, dia nisy anankiray nihazakazaka, ka nandohalika ary nanontany azy, nanao hoe, Mpampianatra Tsara, inona no hataoko handovako ny fainana mandrakizay?

Ary hoy Jesosy taminy, Nahoana aho no ataonao hoe tsara? tsy misy tsara afa-tsy iray ihany, ary izany dia, Andriamanitra.

Fantatrao ny didy hoe, Aza mijangajanga, Aza mamono olona, Aza mangalatra, Aza mety ho vavolobelona sandoka, Aza manambaka, Manajà ny rainao sy ny reninao.

Ary namaly izy ka nanao taminy hoe, Mpampianatra, izany rehetra izany dia efa nataoko, nankatoaviko, notandremako (raha ny marina) hatramin'ny fahakeliko.

Dia njery azy tsara Jesosy ka tia azy, ity namana tanora ity; ary izy nanao taminy hoe, zavatra Anankiray no diso taminao: mandehana, amadio izay rehetra anananao, ka omeo ny malahelo, dia hanana rakitra any an-danitra ianao: ka avia, ento ny hazo fijalianao, dia manaraha ahy.

Dia nanjombona izy tamin'izany teny izany, ka niala tamin'alahelo: satria nanana harena be izy.

²⁰ Ankehitriny ho an'ireo ankizy, sy ho an'ireo lehibe ary ny rehetra, dia tiako ny hitondra an'ity Hafatra kely ity amin'ny tena ilàna azy indrindra arak'izay vitako, ary haingana arak'izay vitako. Ary tiako ny haka lahatsoratra anankiray, “manaraha Ahy,” ary tiako ny haka lohahevitra anankiray: *Fitarihana*. Manaraka, ary olona anankiray mitarika; *Fitarihana*, sy “manaraha Ahy.” Ny tanora, ny olona, ny . . .

²¹ Tsarovy izao, ny dingana voalohany izay nataon'ny tsirairay tamintsika, dia nisy olona anankiray nitarika antsika. Ianareo reny ireo dia mahatsiaro an'ireo dingana voalohany izay nataon'ny zazalahikely sy zazavavy, fa izy ireo tsy mahatsiaro an'izany intsony. Saingy nisy olona anankiray nitarika anareo teo amin'ny dinganareo voalohany. Tsaroako i Billy Paul fony izy nanao ny dingany voalohany, Joseph sy izy rehetra ireo, fony izy ireo nanao ny dingany voalohany.

²² Ny mahazatra dia ny reny no mitarika ny ankizy anankiray eo amin'ny dingany voalohany, satria izy no ao an-trano rehefa

miasa any ivelany i dada, miezaka manao izay hahavelona. Saingy, izany dia, manao ny dingany voalohany izy ireo. Ary ny hariva rehefa mody izy ireo, ilay ray, dia miteny foana izy. “Oh, dada,” hoy izy hoe, “Johnny sy Mary,” ilay zazalahy kely na zazavavy, “dia mahay mandeha! Avia jereo!” Ary dingana anankiray fotsiny ihany, angamba tsy maintsy nitazona azy i neny; izy tsy maintsy nitazona ny fanondron’i neny, satria mbola marefo kely ianareo, ary mitongilana kely, fantatrareo, ary mianjera kely. Koa dia tsy maintsy nihazona ny tānān’i mama ianareo, mba hanao an’ilay dinganareo voalohany.

²³ Ankehitriny, nisy olona anankiray nanampy anareo, rehefa nanao ny dinganareo voalohany ianareo. Ary ny—ny dinganareo farany izay hany hataonareo eo amin’ny fiainana, dia hisy olona anankiray hitarika anareo. Hitanareo, marina izany. Tiako hahatsiaro an’izany ianareo. Ny dinganareo voalohany, dia nisy olona anankiray nitarika anareo. Ary ny dinganareo farany, dia hisy olona anankiray hitarika anareo.

²⁴ Tsy maintsy tarihina isika. Fantatrareo, Andriamanitra dia nampitovy antsika tamin’ny ondry. Ary efa fantatrareo ve fa ny ondry dia tsy mahay mitarika ny tenany? Hirenireny izy ary ho very lālana, fa izy—izy dia tsy mahay mitarika ny tenany. Tsy maintsy manana olona anankiray hitarika azy izy. Ary indraindray... Ny mpiandry ondry no natao hitarika ny ondry. Ankehitriny izany dia efa tamin’ny andron’ny Tompo Jesosy, Izy no Mpiaidry ondry tsara izay nitarika ny ondry.

²⁵ Saingy ankehitriny, hitanareo, dia miaina amin’ny andro hafa isika, ny zavatra rehetra dia niova sy voavadika. Fantatrareo ve hoe olona inona no tsy maintsy mitarika ny ondry amin’izao andro izao? Osy anankiray. Ary fantatrareo ve hoe aiza no hitarihan’io osy io azy ireo? Any amin’ny famonoam-biby avy hatrany. Ireo ondry kely ireo dia tsy mahafantatra hoe ho aiza izy ireo, noho izany dia ilay osy no mandeha eo amin’ny—ny fefy, eo amin’ilay famonoam-biby, ary ny ondry dia tsy mahafantatra afa-tsy ny manaraka an’ilay mpitarika fotsiny, koa dia mitarika azy ireo avy hatrany ao amin’io famonoam-biby io izy. Ary avy eo dia mitsambikina eo ambonin’ilay lālana ilay osy, ary dia miditra ny ondry ary dia vonoina. Hitanareo, ilay osy, mpitarika sandoka.

²⁶ Fa Jesosy kosa, ilay Mpiaidry tsara Izay nitarika ny ondry, Izy no nitarika azy ireo ho amin’ny Fiainana ary nihazona ny tānān’izy ireo. Hitanareo, fa olona anankiray no tsy maintsy mitarika ny ondry.

²⁷ Ny voalohany dia ny fahatsaram-panahin’ilay reny, avy eo ny tenin’ilay ray. Rehefa avy manome anareo ny dinganareo voalohany ilay reny, dia mijery ny dadanareo ianareo, isika rehetra, ho an’ny fahendrena, satria izy no lohan’ny fianakaviana. Ary izy mazāna... Tsy hoe izy akory

no mahay indrindra, fa izy—izy dia natao fotsiny ho mpitarika ny ankohonany, koa dia manaraka an’izay asain’ny dadantsika hatao isika. Rehefa miteny izy hoe, “Ankehitriny, ry zanako, tiako ianao hanao an’izao—izao zavatra izao,” dia mihaino azy isika satria izany no fahendrena. Saingy henoy, hitanareo, nianatra zavatra betsaka izy ka tsy maintsy manontany azy isika, mba hahita izay nianarany, ary amin’izay fotoana izay dia afaka mahazo tombony avy aminy isika, dia izay nianarany. Miteny amintsika izy hoe, “Ankehitriny aza mandeha ka manao an’ity, satria aho efa nanao an’izany. Ny raiko no niteny tamiko tsy hanao an’io, nefo nataoko ilay izy, ary dia izany no nahatonga an’izao ho tonga tamiko, zavatra ratsy.” Koa, hitanareo, isika dia... Noho izany, i dada, no miteny amintsika hoe ahoana no hatao, ary ahoana ny fanaovana ny tsara.

²⁸ Avy eo rehefa avy mitarika antsika ny reny, mandrapahatonga ny fotoana hahazoantsika fahendrena kely, hahalala, avy amin’i dada, avy eo dia mahazo anankiray hafa isika. Mahazo mpitarika hafa anankiray isika, dia mpampianatra anankiray izany, mpampianatra an-tsekolys tsara anankiray. Miezaka ny mampianatra anareo sy manome anareo fanabeazana anankiray izy, hanomana anareo ho tsaratsara kokoa amin’ny fiainana, ho an’ny toerana anankiray, faritra anankiray izay hahaizanareo—hahaizanareo mamaky ny Baibolinareo sy hahaizanareo mamaky ny hira, ary hahafahanareo mianatra ny amin’Andriamanitra sy mamaky, ianareo irery ihany, hitanareo. Ary avy eo, zavatra anankiray hafa, angamba hanana ny asanareo ianareo, ka hisy olona anankiray hanoratra taratasy aminareo, mama, dada, olona anankiray hanoratra taratasy aminareo, nefo tsy ho hainareo ny mamaky azy. Hitanareo? Noho izany ny mpampianatra, izy no maka anareo amin’izay fotoana izay, sy mitarika anareo mba—mba—mba hianatra hanoratra sy hamaky. Ary zavatra tsara izany, mpampianatra tsara anankiray, mampianatra anareo ny tsara. Fa ankehitriny rehefa avy ilaozanareo izany, ianareo, rehefa avy ilaozanareo ilay mpampianatra, mpampianatra anankiray aorian’ny anankiray hafa, avy ao amin’ny ambaratonga ambany, taona voalohany kely anankiray, miakatra mandra-pivoakanareo avy ao amin’ny sekoly ambony na mandeha any amin’ny fianarana ambony. Avy eo dia ilaozanareo ny fianarana ambony, amin’izay fotoana izay dia afaka amin’ny fitarihana anareo ilay mpampianatra. Hitanareo?

²⁹ Ankehitriny, i mama no nampianatra anareo hamindra, hitanareo. I papa no nampianatra anareo hoe ahoana no hahatongavana ho olona tanora mamiratra sy mahafinaritra, ary ahoana no fitandremana ny tenanareo sy fitondranareo ny tenanareo. Ny mpampianatra dia nampianatra anareo fanabeazana anankiray, ahoana no famaky sy fanoratra. Fa ankehitriny dia handao an’i papa ianareo, handao an’i mama

ianareo, ary handao ny mpampianatra ianareo, ankehitriny dia olona anankiray no tsy maintsy haka anareo manomboka izao. Ankehitriny iza no tianareo haka anareo manomboka izao? [Ankizy anankiray no nanao hoe, "Jesosy."—Mpand.] Marina izany. Jesosy, no maka anareo manomboka eo. Ankehitriny, izany no tena valiny tsara anankiray, tena mahafinaritra. Jesosy no maka anareo manomboka eo.

³⁰ Ankehitriny hitanareo ity namana tanora izay resahantsika ity, izy dia nantsoina hoe ilay mpanapaka tanora manan-karena. Ankehitriny, ity namana ity, izy dia tena voatari-dàlana tsara tokoa. Ankehitriny, ny reniny no nampianatra azy hamindra. Ary, hitanareo, mbola tena lehilahy tanora izy, angamba vao avy nivoaka ny sekoly ambony, ary tovolahy tena malaza tokoa. Ary satria tena tsara hofana, angamba nandeha mahitsy izy, sy ny sisa, arak'izay nampianarin'ny reniny azy.

³¹ Ary izy dia to—tovolahy tena nahomby, ihany koa, satria, jereo, efa nanan-karena izy. Ary izy dia tena to—tovolahy anankiray, angamba valo ambin'ny folo taona, vao avy nivoaka ny sekoly ambony, ary nanan-karena izy. Ankehitriny, hitanareo, nanana ny karazana mpampianatra tsara hampianatra azy handeha mahitsy izy. Ary nanana karazana mpampianatra izy, dia ny rainy; hany ka na dia mbola tanora aza izy dia—izy dia nanan-karena ara-bola, nahazo vola betsaka izy. Izy dia mety ho tena... Mpanapaka anankiray izy, na dia tao amin'izany taona izany aza, tena nahomby tokoa. Hitanareo? Ary ankehitriny izy dia nanana ny—ny mpampianatra izay nampianatra azy, nampianatra azy ny zavatra tsara, ahoana no hanaovany azy. Nahazo ny fanabeazany izy.

³² Ary avy eo dia nahazo mpampianatra hafa anankiray ity tovolahy ity, izany dia miankina amin'ny hoe ahoana no nitaizana anareo, fa ity tovolahy ity dia nahazo fampianarana ara-pivavahana tao an-tranony.

³³ Ankehitriny, ireo ankizy sasany, mba fantatrareo ve fa misy ankizy betsaka izay tsy mba mahazo fampianarana ara-pivavahana any an-trano? Ireo rainy sy reniny dia tsy mino an'Andriamanitra. Ary ireo rainy sy reniny, dia misotro, mifoka, miady, ary mitsoaka, any an-kafa, amin'ny alina, sy ny sisa, ary tsy mahandro ny sakafon'ireo zanakalahy sy zanakavavy keliny, sy ny sisa. Tsy faly ve ianareo fa nahazo ray sy reny tena Kristiana tsara tokoa? Ankehitriny, rehefa manan-janaka ianareo, tsy tianareo ve ny hitovy karazana amin'ny ray sy reny tahaka ny rainareo sy reninareo izao? Hitanareo? Ankehitriny, fa tsara daholo izany rehetra izany.

³⁴ Ankehitriny, ity tovolahy ity dia nahazo, ary nahazo fampianarana ara-pivavahana. Hitanareo, izany dia nihoatra lavitra noho izay nananan'ny sasany tamin'izy ireo, satria tsy

nahazo fampianarana ara-pivavahana izy ireo. Fa ity tovolahy ity dia nahazo fampianarana ara-pivavahana, satria, hitanareo, satria nilaza izy fa nitandrina ny Didy izy hatramin'ny nahakely azy.

³⁵ Ankehitriny ianareo rehetra dia nahazo mpampianatra ara-pivavahana tsara, ihany koa, ny tsirairay aminareo. Ary ianareo zatovo vavy sy zatovo lahy kely ireo, ianareo rehetra dia nanana mpampianatra tsara, ireo rainareo sy reninareo eto amin'ity toby ity, dia manana ny zavatra rehetra izay ianareo... ny fahaizana rehetra izay fantatrareo, izay azo atao, mba hahatonga anareo ho tena lehilahy sy vehivavy tsara, mpanompon'Andriamanitra anankiray.

³⁶ Satria, tsarovy, ho faty ianareo indray andro any, na koa hafindra any An-danitra. Ka raha maty alohan'ny Fihaviany ianareo, dia ianareo no hakarina voalohany. Efa fantatrareo ve izany? Efa fantatrareo ve fa ireo izay maty... Raha i mama sy i papa no maty alohanareo, ka tsy tonga amin'izao taranatsika izao Jesosy, fantatrareo ve fa izy ireo, i papa sy i mama, no hitsangana voalohany, omem-boninahitra, alohanareo? Hitanareo? Hitsoka ny trompetran'Andriamanitra, ka ireo maty ao amin'i Kristy no hitsangana aloha, ary avy eo dia isika izay velona ka mitoetra no hakarina miaraka amin'izy ireo. Hovaina tahaka an'izany isika. Tokony ho tsarovantsika izany, izany no zava-dehibe indrindra eo amin'ny fiainana. Azonareo ve ankehitriny? Izany no zava-dehibe indrindra eo amin'ny fiainana, ny tokony hataontsika, dia ny mivonona hihaona amin'Andriamanitra.

³⁷ Ankehitriny, ny fivavahana fotsiny dia tsy hety. Hitanareo, ity mpanapaka tanora eto ity, hoy izy hoe, "Mpampianatra Tsara..." Ankehitriny tsarovy, alohan'ny hilazako an'ilay izy. Nampianarina mba handeha mahitsy izy. Nahazo fanabeazana tsara anankiray izy. Nampianarina asa izy. Ary nanan-karena izy, ary mpanapaka anankiray izy, ary nanana fivavahana. Saingy nifanehatra tamin'ny olana anankiray hafa izy, ary isika rehetra dia mifanehatra amin'izany, ny Fiainana Mandrakizay. Ny fivavahana dia tsy manome antsika ny Fiainana Mandrakizay. Ny maha-mpivavaka, dia firakotra anankiray, fa tsy manome antsika ny Fiainana Mandrakizay izany. Fa na dia, nampianarin'ireo mpampianatra mahay indrindra izay nisy aza izy, dia mbola nanana zavatra banga anankiray izy. Ary fantatr'ilay tovolahy izany, satria hoy izy hoe, "Mpampianatra Tsara, inona no hataoko handovako ny Fiainana Mandrakizay?"

³⁸ Ankehitriny, ianareo, ianareo dia mino fa Jesosy no Andriamanitra, sa tsy izany? Noho izany dia Fantany ireo fisainan'ilay tovolahy, ka dia hoy Izy hoe. "Tandremo ny Didy." Niverina avy hatrany tany amin'ny fivavahany Izy, mba hahitana

izay ho lazainy mikasika ny fivavahany. Milaza Izy ankehitriny, amin'ny teny hafa hoe, "Hazony ny fivavahanao."

³⁹ Hoy izy hoe, "Efa nataoko izany, fony fahakely," zazalahy kely tahaka anareo. "Ny mamako sy ny papako, ary ny pretrako, no nampianatra ahy ny fivavahana. Saingy fantatro, ao amin'ny fivavahako, fa mbola tsy manana ny Fiainana Mandrakizay aho." Hitanareo?

⁴⁰ Afaka ny ho tsara ianareo. Tsy mangalatra. Tsy mifoka. Tsy mandainga. Aza mandainga amin'i papa sy i mama. Aza miteny an'io lainga voalohany io, satria, raha miteny anankiray ny iray, dia ho mora ny hiteny anankiray hafa, hitanareo. Fa tsy mahazo manao an'izany ianareo. Aza miteny an'ilay lainga voalohany.

⁴¹ Efa fantatrareo ve fa ny vatanareo dia tsy natao handainga? Fantatrareo, efa manana an'ilay fitaovana izy ireo ankehitriny, izany dia—izany dia eo amin'ny hozatrareo. Vitan'izy ireo ny mametraka fehin-damba kely manodidina ny hato-tànanareo *eto*, sy mametraka anankiray manodidina ny lohanareo, avy eo afaka miteny ianareo eo, ataontsika hoe miteny ianareo hoe, "Izaho—izaho—izaho dia nandainga mikasika an'izany, nefä dia azoko lazaina fa tena mora ilay izy hany ka izy ireo—izy ireo dia hino fa milaza ny marina aho." Ary afaka milaza ianareo . . .

⁴² Hilaza izy ireo hoe, "Tany amin'izao toerana izao ve ianao, ohatra hoe nipetraka tao anatin'ilay trano-fiara tarihina an'i Rahalahy Shantz ve ianao, raha nitory teny Rahalahy Branham, ny Alahady tolakandro tamin'izay andro izay?"

Dia hoy ianareo hoe, "Tsia, tompoko. Tsy nipetraka tao aho. Tsia, tompoko."

⁴³ Fantatrareo ve izay ho lazain'io fitiliana lainga io? "Eny, tompoko, tao ianao. Eny, tompoko, tao ianao."

Hoy ianareo hoe, "Tsy tao aho."

Io hanao hoe, "Eny, tao ianao."

⁴⁴ Nahoana? Satria ny lainga dia tena zavatra mampatahotra anankiray. Tsy natao handainga ny vatana. Ary zavatra anankiray tena mampatahotra izany, hany ka manakorontana ny fiasan'ny hozatra manontolo izany, rehefa mandainga ianareo. Fioo! Ny korontana tahaka an'izany, dia hiteraka vay ho anareo, holatra mivonto, mety hamono anareo izany. Koa ny lainga dia zava-dratsy anankiray, satria, hitanareo, isika dia tsy natao handainga, hangalatra, hanao ny anankiray amin'ireo zavatra ireo.

⁴⁵ Ankehitriny, noho izany ity tovolahy ity dia mety ho . . . tsy nandainga izy, tsy nangalatra mihitsy izy, ary nahafantatra tsara mihitsy izy fa izy dia tena nila, ny Fiainana Mandrakizay. Noho izany dia hoy izy hoe, "Inona no hataoko hahazoako Azy?"

⁴⁶ Ary asehon'i Jesosy eto ankehitriny fa tsy hahavita an'izany ny fivavahana. Koa niverina avy hatrany teo aminy Izy, ka nanao hoe, "Tandremo ny Didy."

⁴⁷ Hoy izy hoe, "Mpampianatra, efa nataoko izany fony aho mbola zaza kely, na kely, tamin'izaho mbola vao kely mihitsy dia efa nataoko izany." Saingy fantany fa tsy nanana ny Fiainana Mandrakizay izy. Koa dia hoy Izy hoe, "Raha te-hiditra ao amin'ny Fiainana ianao, ny Fiainana Mandrakizay, raha te-ho tanteraka, dia mandehana amadio izay..."

⁴⁸ Hitanareo, ankehitriny, tena tsara ny manam-bola. Hitanareo, tena tsara ny manam-bola, manan-karena. Ary ny tonga mpanapaka, dia tena tsara izany. Saingy ilay-ilay izy dia ny fomba izay hataonareo rehefa lasa toy izany ianareo, hitanareo.

⁴⁹ Hoy Izy hoe, "Mandehana amadio izay anananao, ka omeo ny malahelo, ireo olona izay tsy manana na inona na inona; avy eo dia avia, manaraha Ahy, dia hanana rakitra any Andanitra ianao." Saingy nanana vola betsaka loatra ity tovolahy ity hany ka tsy fantany izay hanaovana an'ilay izy. Ankehitriny, hitanareo, tena nalaza izy, izany io lehilahy tanora io.

⁵⁰ Ary izy—izy—izy dia ampy fitaovana tsara ho an'ny fiainana, ilay fomba izay ny rainy sy reniny, sy ireo pretra ary izy rehetra, no nampitao azy, saingy mbola fantany fa banga zavatra anankiray izy. Ankehitriny dia miresaka amin'ny lehibe aho. Izy, fantany fa banga zavatra anankiray izy, ary tsy nanana ny Fiainana Mandrakizay izy. Fantany izany. Hitanareo?

⁵¹ Tsy mamokatra Fiainana Mandrakizay ny fivavahana. Ireo endrika, fahatsapana, hahatsapanareo zavatra; ianareo—ianareo dia mety matahotra, ary mahatsapa zavatra. Hitanareo? Mitomany, tsara izany; mihiakiaka, tsara izany; saingy tsy mbola izany ilay Izy, hitanareo. Mifanehitra amin'ny Fiainana Mandrakizay ianareo.

⁵² Hoy ianareo hoe, "Eny, izaho efa tena Batista mafy orina anankiray, na Metodista, na Presbyterana, na Pentekotista." Tsy mbola izany ilay fanontaniana.

⁵³ Ity tovolahy ity dia toy izany, ihany koa, nampianarina tao amin'ny fivavahana tamin'ny fotoan'andro izy, saingy tsy mbola nanana ny Fiainana Mandrakizay izy, noho izany dia te-hahafantatra izay hatao izy. Voatarika tamim-pahombiazana izy, hatreto amin'Ity. Saingy rehefa nifanehitra tamin'Ity izy, dia nandà ny ho tarihina ho ao amin'ny Fiainana Mandrakizay, na ho voatarika. Ireo mpitarika azy hafa no tena nihazona azy loatra hany ka tsy te-hamotsotra an'izany izy. Hitanareo?

⁵⁴ Ankehitriny, izany no zavatra mba tian'ny Rahalahy Branham ho lazaina. Ho lasa tena Lalina kely aminareo izany, hitanareo.

⁵⁵ Tsara ny fanabeazana, tokony handeha any an-tsekoly ianareo ary hianatra. Hitanareo, tsara izany, saingy tsy hahavonjy anareo izany. Ny manana vola betsaka, tsara izany, afaka mitaiza ny zanakareo ianareo, manome azy akanjo tsara sy ny sisa. Ary tahaka an'i papa sy i mama niasa ho anareo rehetra, sy ny sisa. Tsara izany, saingy tsy mbola hahavonjy anareo izany. Hitanareo? Na, afaka miditra ao amin'ny tranom-pikarohana anankiray ianareo dia mianatra hoe ahoana no fametrahana zavatra samihafa hiaraka, na mamaky atomá, na izay ataon'izy ireo, ary—ary miditra ao amin'ny—ny balafomanga anankiray ka—ka mandeha eny amin'ny volana, saingy tsy hahavonjy anareo izany.

⁵⁶ Tsy maintsy hifanatrika amin'ny zavatra anankiray ianareo, ny Fiainana Mandrakizay, ary Olona anankiray ihany No afaka manome anareo an'Izany. I mama tsy afaka manome anareo an'Izany. I papa tsy afaka manome anareo an'Izany. Ny mpitarika anareo eto tsy afaka manome anareo an'Izany. Ny olona rehetra izay manana ny Fiainana Mandrakizay dia tsy maintsy mankeo amin'i Jesosy Kristy. Izy no hany Tokana Izay afaka manome an'Io anjara io.

⁵⁷ Ny mpampianatrareo dia afaka manome anareo fanabeazana, afaka mampianatra anareo izy; tsy maintsy mianatra an'izany ianareo. Ny—ny reninareo dia afaka mampianatra anareo hamindra; tsy maintsy mianatra mamindra ianareo. Ny rainareo dia afaka mampianatra anareo hoe ahoana no hahatonga ho mpandrahahara anankiray, na inona; tsy maintsy mianatra an'izany ianareo. Saingy Jesosy irery kosa no afaka manome anareo ny Fiainana Mandrakizay. Hitanareo?

⁵⁸ Ny pretranareo, ny mpitarika anareo, na ny sisa, dia afaka mampianatra anareo ny fivavahanareo, afaka mianatra ny Hafatra izay ezahanay ampiaranina ianareo, saingy mbola tsy hanome anareo ny Fiainana Mandrakizay izany. Tsy maintsy manaiky an'ilay Olona ianareo, Jesosy Kristy. Azonareo ve izany, ianareo rehetra? Tsy maintsy manaiky an'ilay Olona, Jesosy Kristy, mba hananana ny Fiainana Mandrakizay. Ankehitriny, saingy indraindray dia ireo fitarihana hafa no mahataona betsaka antsika hany ka tsy fantatsika izay hatao amin'izay fotoana izay rehefa io—io ora io no tonga.

⁵⁹ Ankehitriny, zava-doza toy ny ahoana moa ny mandà an'ilay fitarihana ho amin'ny Fiainana Mandrakizay, satria, hitanareo, izany no Fiainana izay tsy mety mifarana mihitsy. Ankehitriny, ny fanabeazana, tsara izany, hanamppy antsika eto izany. Ny asa, tsara izany. Ny vola, tsara izany. Ny ho tonga zatovolahy sy zatovovavy tsara, tsara izany. Saingy, hitanareo, rehefa tapitra ny fiainana eto, dia izay no izy. Azonareo? Ianareo lehibe ireo mahazo? [Hoy ny fiangonana hoe, “Amena.”—Mpand.] Hitanareo, izay no izy. Fa amin'izay fotoana izay dia tsy

maintsy manaiky an'i Jesosy Kristy isika, ho an'ny Fiaianana Mandrakizay. Jesosy irery ihany no afaka mitarika anareo ho amin'Izany.

⁶⁰ Fa na izany aza, hitanareo, ity tovolahy ity dia nahavita an'ireo zavatra rehetra ireo tany am-pianarana, ary noho ireo raiamandreniny sy ny sisa, izy—izy dia nanary ny zavatra lehibe indrindra izay tokony ho azony, ilay fitarihan'ny Fanahy Masina, satria hoy Jesosy hoe, "Avia, manaraha Ahy."

⁶¹ Ary ianareo zazavavy izay vao avy nivoaka ny sekoly ireo, mety hahazo diploma ianareo, ny sasany aminareo, tsy ho ela, sy ianareo zazalahy tanora ireo; ny fitarihana lehibe indrindra izay misy dia Jesosy Kristy, satria izany no Fitarihana ho amin'ny Fiaianana Mandrakizay. Ankehitriny, io Fitarihana io dia mifanehitra amin'ny olombelona rehetra, nomena ny fanararaotra hisafidy izy ireo.

⁶² Ary izany no zavatra tokana lehibe ananantsika eo amin'ny fiaianana, dia ny misafidy. Indray andro any... Fantatrareo, i papa sy i mama, izy ireo dia nisafidy ny hanana zazalahy sy zazavavy kely tsara, tahaka anareo—anareo rehetra izao.

⁶³ Avy eo, ianareo—ianareo dia manana zo, afaka kelikely, ny hisafidy na te-hianatra avy amin'ny mpampianatra ianareo, na tsia. Ny mpampianatra dia afaka mampianatra anareo, saingy ianareo dia afaka mihitsy ny ho—ho zazalahy kely ratsy anankiray, tsy te-hianatra fotsiny izao ianareo; zazavavy kely, ratsy anankiray, tsy te-hihaino mihitsy. Hitanareo, ianareo—ianareo dia manana safidy ny hanao an'izany, na dia kely aza ianareo.

Ary hoy i neny hoe, "Nahazo A ve ianao ao amin'ny taratasim-pilazana?"

"Tsia, tena tsy mahay aho." Hitanareo, ankehitriny ianareo dia afaka...

⁶⁴ Hoy i neny hoe, "Ankehitriny dia tsy mauntsy mianatra ianao." Ary dia tsy mauntsy manao an'izany ianareo amin'izay fotoana izay, manohy mianatra arak'izay nolazain'i neny taminareo, arak'izay nolazain'i dada taminareo. Hitanareo, tsy mauntsy mianatra ianareo.

⁶⁵ Saingy manana safidy ianareo, afaka manao an'ilay izy ianareo na tsy manao an'ilay izy. Afaka milaza ianareo hoe, "Tsy te-hanao aho." Hitanareo, manana safidy ianareo.

⁶⁶ Afaka kelikely, dia hanana safidy ianareo ny amin'izay zazavavy ho vadianareo, izay zazalahy ho vadianareo.

⁶⁷ Manana safidy ianareon n'aiza n'aiza eo amin'ny fiaianana. Ary avy eo ianareo dia manana safidy, indray koa, na te-ho velona ianareo aorian'izao fiaianana izao; na te-ho tsara anankiray, olona malaza, mpilalao sarimihetsika anankiray, na mpandihy anankiray, na zavatra anankiray hafa.

⁶⁸ Ary jereo ireto zazavavy kely eto ireto miaraka amin'ny feo tsara, vao tsy ela teo, mihira. Io ankizy io dia tsy maintsy nikolokolo an'ilay feo, ary mety ho lasa mpihiran'ny opera izy, na mpihira anankiray. Mandre ny feon'ireto zazalahy kely ireto aho, ireto zazalahy ireto, afaka ny hitovy amin'i Elvis Presley ianareo, mivarotra ny fizokiany. Hitanareo, tsy tia an'izany ianareo. Hitanareo, talenta anankiray nomen'Andriamanitra anareo izany, ary tsy maintsy misafidy ianareo hoe iza, aiza no hampiasainareo an'izany talenta izany, ho an'Andriamanitra, na koa hampiasainareo ho an'ny Devoly izany. Hitanareo?

⁶⁹ Rahalahy Leo eto, ny rahalahinareo, hitanareo, ankehitriny dia nanana talenta izy, dia ny tonga sy hitarika ny olona. Ankehitriny inona no hanaovany an'izany? Hiditra ao anatin'ny fandraharahana ve izy ka hanao ny tenany ho mpanapitriza anankiray; sa hivoaka eto ve izy ka hanao trano anankiray izay tian'ny olona hivoriana ary haka anareo ankizy kely rehetra? Hitanareo, tsy maintsy misafidy ianareo ny amin'izay hataonareo.

⁷⁰ Ny tsirairay amintsika dia tsy maintsy manao safidy anankiray. Ary izany no mifanehitra amintsika. Saingy isika rehetra kosa dia mifanehitra amin'ity zavatra tokana ity: "Inona no hataontsika ny amin'ny Fiainana Mandrakizay? Ho velona ve isika aorian'izao, sa tsia?" Amin'izay fotoana izay dia tsy maintsy mankeo amin'i Jesosy isika, mba hahazo an'Izany. Ilay fanararaotran'ny safidy, izany no zavatra tokana izay nomen'Andriamanitra antsika. Tsy manery antsika amin'inona na inona Izy. Mamela antsika hanao ny safidintsika manokana fotsiny Izy. Koa tsy tokony ho terena ianareo, fa manao ny safidinareo manokana fotsiny.

⁷¹ Ankehitriny ndao isika hanaraka an'ity fotsiny, ny lehibe sy ny rehetra ankehitriny, mandritry ny minitra vitsy, ary ny ankizy, ny rehetra miaraka. Ndao isika hanaraka fotsiny an'ity tovolahy ity, sy ny safidy izay nataony, dia jereo hoe aiza no nitarihan'izany azy.

⁷² Ankehitriny, ireto zazavavy miaraka amin'ny feo tsara ireto, ireto zazalahy tanora ireto. Ankehitriny angamba mitombo ianareo ary mety banana feo anankiray hihirana ianareo. Ankehitriny raiso fotsiny ity zavatra anankiray ity, hahavita ianareo, oadray, mety handray an'izao ianareo indray andro any, "Izaho..."

⁷³ Fantatreo ve ity zazalahy antsoina hoe Elvis Presley ity? Efa nandre ny horonam-peoko ianareo. Efa nandre ianareo hoe tsy manala baraka an'ilay zazalahy aho, saingy io zazalahy io dia nahazo ny fanararaotra tahaka ny azonareo rehetra. Hitanareo, ary ahoana izy... Hitany fa mahay mihira izy. Ary diniho izay nataony, tena zavatra mitovy tamin'izay nataon'i Jodasy mihitsy, Jodasy Iskariota, nivarotra an'i Jesosy izy. Jesosy

no nanome an'ilay feo tsara ho an'io zazalahy io. Ary inona no ataony? Nihodina dia nivarotra an'izany tamin'ny Devoly. Hitanareo, tsy maintsy tonga teo amin'ny fiafaran'ny lèlana izy. Hitanareo? Nandà ny handeha hiaraka amin'i Jesosy izy.

⁷⁴ Ankehitriny ity tovolahy eto ity, ity mpanapaka tanora manan-karena ity, dia nanao an'ilay zavatra mitovy. Ndao isika hanaraka dia hahita izay nataony. Tsy isalasalana, amin'ny maha-olona malaza izay naха-izy azy, angamba mety ho lehilahy tanora tsara tarehy anankiray, mainty volo misy sanga midina eo amin'ny ilany, akanjo tsara. Ireo tovovavy tanora dia nieritreritra hoe, "Zalahy an, izany ka tena lehilahy tanora tsara tarehy!" Oh, ho izany ireo. Nikopakopaka azy ireo angamba izy, ary mety ho nisakaiza taminy izy ireo, sy ny sisa.

⁷⁵ Dia nieritreritra izy fa izy no namana malaza anankiray, olona, hitanareo, satria tsara tarehy izy, tanora izy. Tsy nijery an'ilay fiafaran'ny lèlana izy teo. Nijery ny tetra fotsiny izy. "Tanora aho. Tsara tarehy aho. Manan-karena aho. Azoko vidiana daholo izay tiako. Afaka maka an'ireo zazavavy ireo aho, ary, zalahy an, tahaka ahy avokoa izy rehetra. Ary fantatr'izy ireo fa lehilahy malaza aho." Ary, hitanareo, nanana an'izany rehetra izany izy. Nanaraka an'ireo toro-hevitry ny rainy izy, sy ny sisa rehetra. "Ary izaho tena mpivavaka. Mankany ampiangonana aho." Ary ankehitriny dia afaka nanaraka an'izany izy, hitanareo; tena malaza, manan-karena, ary fanta-daza. Ary, ary izy . . .

⁷⁶ Tahaka ny ankehitriny mihitsy, tahaka anareo nanana fanararaotra ho lasa mpilalao sarimihetsika, hitanareo, na zavatra sahala amin'izany. Maro amin'ireo ankizy ankehitriny, miresaha amin'izy ireo ianareo, mahafantatra betsaka kokoa ny amin'ireo mpilalao sarimihetsika izy ireo noho ny fahafantarany ny amin'i Jesosy. Hitanareo? Ary, hitanareo, ianareo—ianareo ankizy ireo dia mianatra ny amin'i Jesosy. Fa mipetraka izy ireo, ary miseho eo amin'ny sarimihetsika ny karazandalao anankiray, na zavatra hafa, dia fantatr'izy ireo ireo mpilalao sy ny rehetra eo, ny rehetra mikasika an'ilay izy. Mahafantatra an'izany rehetra izany tsaratara kokoa noho *Ity* izy ireo. Miresaha ianareo amin'izy ireo mikasika ny Baiboly, tsy mahafantatra na inona na inona mikasika ny Baiboly izy ireo. Hitanareo, izany no atao hoe manao safidy ratsy. Ankehitriny, ireo mpihira sasany dia mivarotra ny talentany nomen'Andriamanitra, noho ny laza!

⁷⁷ Avy eo dia hitantsika izy teo amin'ny fiafaran'ny fiainana. Ndao isika hanaraka azy lavidavitra kokoa. Fantatrareo ve izay lazain'ny Baiboly mikasika an'ity namana tanora ity? Lasa nihanahomby izy. Noho izany, matetika ny fahombiazana dia tsy midika fa nanao an'ilay safidy tsara ianareo. Fantatrareo ve izay nataony? Lasa izy ary nanana fotoana lehibe, ary nanao fety be, ka nandany vola betsaka sy ny sisa, tamin'ny zazavavy sy

ny sisa. Ary avy eo dia nanambady izy ary angamba nanana fianakaviana anankiray. Ary—ary izy—izy dia nampitombo betsaka mihitsy hany ka tsy maintsy nanorina fitehirizam-bokatra vaovao izy sy ny sisa. Dia hoy izy hoe, “Hitanareo, tsy nanaraka an’i Jesosy aho, nefo jereo ny azoko!” Hitanareo?

⁷⁸ Mety mandre olona miteny an’izany ianareo, fa izaho dia mandre, “Eny, jereo, nitahy ahy Izy.” Tsy midika ho ny rehetra izany. Hitanareo?

⁷⁹ Ary afaka kelikely dia hipoka ny fitehirizam-bokany hany ka nilaza mihitsy aza izy, nahoana, mihitsy aza hoe, “Ry fanahiko, mialà sasatra ianao. Nahazo vola betsaka aho ary fahombiazana betsaka! Ary izaho tena olona malaza anankiray tokoa! Ao amin’ireo klioba rehetra aho. Ary eto an-tànakò ny haren’izao tontolo izao. Izaho no tompon’ny tany lehibe rehetra sy ny vola rehetra, ary, nahoana, oadray, ny olona rehetra eto dia tia ahy, olona tena tsara anankiray.”

⁸⁰ Saingy fantatrareo, ny Baiboly no nilaza fa, tamin’io alina io, dia nilaza taminy Andriamanitra hoe, “Halaiko aminao ny fanahinao.”

⁸¹ Avy eo dia inona no niseho? Ankehitriny dia indro nisy mpangataka anankiray teo, Kristiana antitra mahantra anankiray izay nandry teo amin’ny vavahadiny. Ary izy ireo vantany vao...

⁸² Tao Jerosalema, tany, izy ireo—izy ireo dia nisakafo teny an-tampon’ny trano. Ary ireo poti-mofo dia mianjera tahaka an’izao, sy ireo sombin-kena, sy ny sisa, mipaika amin’ny gorodona rehefa alatsany izy ireny. Ary tsy mitsimpona an’ireny izy ireo, satria ny zavatra rehetra tao Jerosalema, ilay tanàna fahiny, izy—izy dia...

⁸³ Mety ve ny hilazana vazivazy anankiray eto? Izy ireo dia f-o-b. Fantatrareo ve hoe inona izany? Lalitra eo amin’ny mofo, lalitra eo amin’ny hen’omby, lalitra eo amin’ny dibera, f-o-b [Amin’ny teny Anglisy dia “Flies on the bread, flies on the beef, flies on the butter.”—Mpand.], lalitra eo amin’ny zavatra rehetra. Mankeny amin’ny lèlana izy ireo, any anatin’ny tatatra fanarian-drano sy ny sisa, dia manidina ary avy dia mipetraka eo ambonin’ilay izy.

⁸⁴ Noho izany ireo olona tany ireo, dia miakatra eny an-tampon’ny—ny tranobe izy ireo. Ary misakafo izy ireo, ary avy eo dia alatsak’izy ireo *ity*, ary dia fafany izany. Ka ireo alika, eny amin’ny lèlana, no mihinana ny potipotiny. Ary navelany io Kristiana antitra mahantra io handry teo amin’ilay lèlana ka hihinana fotsiny an’ilay potipotiny izay nilatsaka avy teo amin’ny viliany avy teo am-pandriany, na avy teo amin’ny latabany.

⁸⁵ Ary avy eo rehefa niditra izy, afaka kelikely, nisy fery izy, ary tsy nanana na inona na inona hapetaka teo amin’ireo feriny

izy. Ny anarany dia Lazarosy. Ary tonga ireo alika ka nilelaka ny feriny mba niezahany ny ho tsara.

⁸⁶ Eny, fantatrareo, afaka kelikely, ity lehilahy manan-karena ity, tamin'izay, dia nahita fa nanam-bola hividianana ny karazam-panafody rehetra izy, raha narary izy, dia manana an'ireo karazana dokotera rehetra. Saingy, fantatrareo, indraindray ny dokotera dia tsy afaka manampy antsika, ny fanafody tsy hanampy antsika, tsy misy na inona na inona afaka manampy antsika; ananan'Andriamanitra fahefana tanteraka isika. Ary tonga teo amin'ny fiafarany'làlany izy; tsy afaka nanampy azy ny dokotera, ary tsy afaka nanampy azy ireo mpitsabo mpanampy, ary tsy afaka nanampy azy ny fanafody, dia maty izy. Ary tamin'izay fotoana izay rehefa niala tamin'ny vatany ny fanahiny, hitanareo, dia nilaozany ny volany rehetra, ny fanabezany rehetra, ny zavatra rehetra izay nananany, ny lazany rehetra. Nomen'izy ireo fandevenana goavana be anankiray izy, angamba nampisaona ny sainam-pirenena, ary—ary tonga ny ben'ny tanàna, ary izy ireo, ary tonga ny mpitoky teny ka—ka nanao hoe, “Ny rahalahintsika ankehitriny dia lasa any amin'ny Voninahitry,” sy ny rehetra tahaka an’izany.

⁸⁷ Saingy ny Baiboly no nilaza, fa, “Nanandratra ny masonry izy tao amin’ny helo, tao amin’ny fampijaliana, ary njery tery am-pitan’ilay jadona lehibe tany, ka nahita an’ilay mpangataka izay nandry, teo amin’ilay vavahadiny, tany An-danitra. Ary niantsoantso izy hoe, ‘Iraho mankety i Lazarosy miaraka amin’ny rano kely. Mampijaly ireto lelafo ireto.’ Hoy izy, ‘Oh, tsia. Hitanao, ianao no nanao an’ilay safidy ratsy teo amin’ny fiainana.’”

⁸⁸ Hitanareo, rehefa tonga teo amin'ny fiafarany'làlana izy, handao ny fiainana! Notarihin'ny fivavahana izy. Notarihin'ny fanabeazana izy. Notarihin'ny fisarihan'ny—ny fahombiazany izy. Saingy, hitanareo, tsy nanana na inona na inona hihazona ny tànany izy, nifarana teo ireo zavatra rehetra ireo. Azonareo ve, ry namana kely? Ianareo lehibe mahazo. Izay izaho... Hitanareo, tsy nanana na inona na inona hihazona azy izy. Tsy nahatazona azy ny volany. Tsy nahatazona azy ireo namany niaraka tamin'ireo dokotera. Tsy nahatazona azy ny fanafody. Ny pretrany, ny fivavahany, tsy nahatazona azy. Noho izany, dia zavatra tokana ihany no azony natao. Izy dia—izy dia nandà ny hanaiky an'i Jesosy, ilay Fiainana Mandrakizay. Koa inona no tsy maintsy hataony? Milentika ao amin'ny fahafatesana, ao amin'ny helo. Fahadisoana mahafaty toy ny inona no nataon'io lehilahy tanora io rehefa nandà ny hiaraka tamin'i Jesosy izy, ny ho tarihan'i Jesosy. Nandà ny hanao an’izany izy.

⁸⁹ Maro ireo olona tanora no manao an’izany fahadisoana izany, ankehitriny, mandà ny hotarihin'ny—ny Tompo Jesosy. Ankehitriny dia hitantsika hoe zavatra mahafaty toy ny inona ilay mandà ny Fiainana Mandrakizay sy ny ho tarihan'i

Jesosy, Fitarihana anankiray, rehefa hoy Izy hoe, “Avia, manaraha Ahy.”

⁹⁰ Hitanareo ve hoe inona no nolazain’ity lehilahy kely tsara tarehy ity izao tolakandro izao? Rehefa mivoaka avy ao amin’ny sekoly ianareo, rehefa mivoaka avy ao ianareo, dia mila mpitarika hafa anankiray ianareo, saingy aoka mba ho Jesosy izany. Ary Jesosy no Baiboly. Mino an’izany ve ianareo? Ity no Fiainan’i Jesosy sy ireo Didiny ho antsika, amin’ny endrika soratra. Noho izany dia tsy maintsy mandinika an’Ity isika, mba hahita. Ity no drafitra. Ity no sarintany izay Nolazainy tamintsika mba harahina, mba—mba hanombohana ny Fiainana Mandrakizay.

Ankehitriny dia hitantsika fa very ity tovolahy ity.

⁹¹ Ankehitriny ndao isika haka anankiray hafa. Tianareo ve, hanana fotoana ve ianareo hakana mpanapaka tanora mpanan-karena hafa anankiray, izay nanao ny fihetsika tsara? Tianareo ve ny handre an’izany? Eny ary, hiezaka isika ankehitriny. Ankehitriny dia ndao isika haka mpanapaka tanora manan-karena anankiray hafa izay nifanehitra tamin’ilay zavatra mitovy. Ankehitriny dia hitantsika ny nalehan’io zazalahy io, izay niaina tamin’ny fiainana tena tsara anankiray, saingy maty ary very tany amin’ny helo. Fa ankehitriny isika dia hiresaka ny amin’ny tovolahy hafa izay nifanehitra tamin’ilay zavatra mitovy. Lehilahy mpanan-karena anankiray izy, tovolahy anankiray, ary mpanapaka izy, ary, saingy nanaiky ny fitarihan’i Kristy izy; tahaka ny nolazain’ilay zazalahy kely tamintsika vao tsy ela teo, fa tokony hanaiky ho tarihina isika. Nanaiky an’izany izy.

⁹² Ny Soratra hahitana an’io dia hita, raha tianareo ny hikaroka azy aorian’ny hamaranako azy, hitanareo, dia ao amin’ny Hebreo, ny toko faha-11, ary ny andininny faha-23 ka hatramin’ny faha-29. Avelao ho vakiako mihitsy Izany. Mety tsara ve izany? Hiaritra miaraka amiko vetivety ianareo, sa tsy izany? Tsy mampaninona anareo rehefa tsy mampaninona ahy, sa tsy izany? Hitanareo? Koa isika fotsiny... Hamaky an’ity fotsiny isika, amin’izay dia hilaza ianareo hoe, “Nandre andRahalahy Branham namaky an’ity tao amin’ny Baiboly aho.” Hitanareo? Ary fantatrareo fa ao ilay izy amin’izay fotoana izay. Tsy izay nolazaiko no izy, izay Nolazainy no izy. Ankehitriny henoinareo eto, izay nolazain’ny Baiboly eto ny amin’ity namana tsara ity, hitanareo. Ankehitriny jereo.

Tamin’ny finoana Mosesy, raha vao teraka izy, no nafenin’ny raiamandreniny telo volana, satria hitany fa zaza tsara izy; ary tsy natahoran’izy ireo ny didin’ny mpanjaka.

*Tamin'ny finoana Mosesy, rehefa izy . . . tonga lehibe,
no nandà ny hatao hoe zanaky ny zanakavavin'i Farao;
(henoy)*

*Nifidy mantsy ny hiaritra ny fahoriania miaraka
amin'ny olon'Andriamanitra, toy izay ny hanana
fifaliana vetivety amin'ny fahotana;*

Nandray ny fanaratsiana an'i Kristy . . .

⁹³ Fahiny ela be tamin'ny andron'i Mosesy, mbola Kristy ihany izany. Hitanareo? Izy no hany Tokana izay manana ny Fiainana Mandrakizay. Hitanareo?

⁹⁴ “Nandray ny fanaratsiana,” ny hatao hoe fanatic, holy-roller, na zavatra tahaka an’izany, fantatrareo. Hitanareo?

*Nandray ny fanaratsiana an'i Kristy ho harena be
lavitra noho ny zava-tsoan'i Egypta: satria izy njery ny
fanomezana ny . . . valisoa.*

⁹⁵ Ankehitriny dia fantatrareo ve ny dikan’izany? Ny dikan’izany dia izao, hoe, Mosesy dia teraka zazalahy mahantara anankiray, tena mahantara. Ny anaran’ny rainy dia Amrama. Ny anaran’ny reniny dia Jokebeda. Ary tena nahantara izy ireo, saingy Kristiana kosa izy ireo. Niasa mafy izy ireo. Tao anatin’ny fanandevalozana izy ireo. Tsy maintsy nanao biriky fotaka izy ireo, sy ny sisa, ho an’ilay mpanjaka antitra. Mba fantatrareo ve? Nandeha nidina ilay zanakavavin’io mpanjaka io, indray andro, tany amin’ny renirano izay ny reny . . .

⁹⁶ Ny renin’i Mosesy, Jokebeda, dia naka azy ka nametraka azy tao anatin’ny zahatra kely anankiray teo amin’ny renirano tahaka an’izany. Ary ireo voay antitra no nihinana ny zazakely rehetra; ary novonoindy izy ireo, natsipiny tao anatin’ny renirano izy ireo. Nefa dia teo mihitsy no nametrahany azy. Ary mba fantatrareo ve hoe ahoana no nanaovany an’ireo voay mba hanalavitra azy? Nanamboatra an’ity sambofiara—sambofiara kely ity izy nametrahany azy, namboariny tamin’ny dity izany. Fantatrareo ve hoe inona izany? Terebinta izany. Nanatona ny mamba antitra anankiray, manao hoe, “Hom, Hebreo kely matavy anankiray, ho azoko izy!” Henony izy nitomany tahaka an’izany. Tonga teo izy, “Fioo! Fofona re izany! Ah!” Hitanareo? Hitanareo, notarihana ilay reny, hoe ahoana no hiarovany ny zazakeliny. Koa dia nihemotra avy teo amin’io izy, tsy te-hanao na inona na inona tamin’io izy.

⁹⁷ Ary avy eo dia nidina teny amin’ny renirano izy, lavidavitra kely. Ary ilay anabavy keliny, nantsoina hoe Miriama, no nanaraka azy teny amin’ny renirano, njery hoe inona . . .

⁹⁸ Ary avy eo dia nivoaka ny zanakavavin’i Farao ary nandeha naka azy, fantatrareo, ka nanala azy tao. Fantatrareo, ny rehetra . . . Fantatrareo, ny reninareo dia mihevitra anareo ho ankizy tsara indrindra eto an-tany; hitanareo, tsy maintsy

manao an'izany izy. Saingy ny Baiboly no nilaza fa ity zazalahy kely ity dia tena tsara, tena zazalahy kely mahafinaritra. Ary, oh, nikiakiaka fotsiny sy nandaka ny ombelahi-tongony kely fotsiny izy. Nalahelo ny mamany izy, hitanareo. Ary noho izany dia fantatrareo ve izay niseho? Noho izany dia napetrak'Andriamanitra tao amin'ny zanakavavin'i Farao, ilay zanakavavin'ny mpanjaka, ny fitiavana rehetra izay azon'ny reny anankiray ananana ho an'ny zazakely anankiray. Babony mihitsy ny fony. Hoy izy hoe, "Zanako ity."

⁹⁹ Saingy, fantatrareo, mbola vehivavy tanora izy. Hitanareo, tamin'izany andro izany izy ireo dia tsy mbola nanana an'ireny biberao izay ianareo, zazakely, nanalehibeazana anareo ireny, koa tsy maintsy naka reny anankiray izy ireo izay efa, nanana zazakely, sy nanana, ka afaka mampinono.

¹⁰⁰ Koa teo an-toerana mihitsy i Miriama, hoy izy hoe, "Handeha haka reny tsara ho anao aho."

"Eny àry, mandehana ianao maka azy."

¹⁰¹ Fantatrareo ve hoe iza no nalaina sy nentin'i Miriama? Ny tena renin'i Mosesy. Marina izany. Hia, nalaindy dia nentiny. Izany no fahendrena, sa tsy izany? Ary noho izany dia nalaindy ary nentiny ny tena renin'i Mosesy. Dia hoy izy hoe, "Halaiko ary ho tezaiko ho anao ity zazalahy kely ity."

¹⁰² Hoy izy hoe, "Mba fantatrao ve, homeko telon-jato dolara ianao, isan-kerinandro, mba hitaiza an'io zazakely io. Ary afaka mipetraka ao amin'ny lapa ianao." Hitanareo hoe ahoana no ataon'Andriamanitra rehefa matoky Azy ianareo, hitanareo, rehefa azonareo antoka ny finoanareo. Io zazakely io dia mpaminany anankiray, hitanareo, ary fantany.

¹⁰³ Koa niditra tao amin'ny lapa izy ireo ary—ary nitaiza an'i Mosesy izy, ary ilay reny, ilay tena reny, dia nahazo telon-jato dolara, isan-kerinandro, mba hikarakara ny zavatra rehetra. Eritrereto fotsiny izany!

¹⁰⁴ Ary avy eo, fantatrareo, afaka kelikely, rehefa nitohy nandrity ny fotoana kelikely izany, dia nanomboka nahazo taona hahafahana mamaky sy manoratra i Mosesy. Nampianatra azy izy hoe ahoana no famaky sy fanoratra. Ary avy eo dia niteny taminy izy, nanao hoe, "Mosesy, teraka ho zaza mahitsy ianao. Ny rainao sy izaho dia efa nivavaka. Nanambara taminay Andriamanitra fa ianao dia mpaminany anankiray, ary ianao no hanafaka ny olona, amin'ny andro izay ho avy."

¹⁰⁵ Ary fantatrareo, rehefa lehibe izy, dia inona izy tamin'izany? Natsangana tao amin'ny fianakavian'ny mpanjaka izy. Oh, oadray! Izy tsy nila ny . . .

¹⁰⁶ Nijery an'ireo tena olony izy, ary tsy nanana akanjo izy ireo. Kristiana izy ireo, ary nitomany izy ireo. Ary ireo mpampahory tranainy nikapoka azy ireo tamin'ny karavasy, ary nifantsitsitra

avy tao amin'ny lamosin'izy ireo ny rà. Ireo—ireo zanaky ny iray tam-po aminy sy ireo dadatoany, papa sy mama, izy rehetra ireo; nokapohina tamin'ny karavasy izy ireo, tao anatin'ny lava-potaka. Ary tamin'izany, fa i Mosesy kosa, satria nisy zavatra tao anatin'ny fony tao, dia fantany fa izy ireo no vahoaka nampanantenain'Andriamanitra. Fantany izany.

¹⁰⁷ Ankehitriny, ny zavatra manaraka izay tsy maintsy nataony dia ny ho tonga mpanjaka. Ho mpanjaka amin'ny zavatra rehetra izy, lehilahy mpanan-karena anankiray, oadray, ny vola rehetra an'i Egypta. Ary Egypta no nifehy ny tany, tamin'izany fotoana izany. Saingy, jereo, hoy ny Baiboly hoe, “nandray ny fanaratsiana izy,” ny ho mpilalao fotaka anankiray tahaka azy ireo tany, Kristiana anankiray. Rehefa nihomehezany izy ireo, ary nesoina izy ireo, nodakana izy ireo. Raha namaly izy ireo, dia novonoiny izy ireo. Hitanareo? Saingy nisafidy ny handeha hiaraka amin'io andiany io i Mosesy raha tokony ho nantsoina hoe zanaky ny mpanjaka.

¹⁰⁸ Jereo izany! Hitanareo, satria nahita ny andro farany izy! Hitanareo ve io lehilahy tanora mpanan-karena io? Fa nahita an'i Jesosy izy, tahaka ny ahitantsika Azy ao amin'ny fahitana anankiray, fa amin'ny andro farany izany no ho voaloa. Ankehitriny, ary nanaiky ny fitarihan'i Kristy izy, ary nandray ny fanaratsiana ho harena be lavitra i Mosesy.

¹⁰⁹ Fantatrareo, indraindray rehefa any an-tsekoly ianareo zazalahy kely ireo, hiteny ratsy anareo ireo zazalahy kely ary tiany koa ianareo rehetra hiteny amin'izy ireo. Ianareo zazavavy kely ireo; ireo zazavavy kely dia hiteny zavatra ratsy ary tiany koa ianareo rehetra hiteny amin'izy ireo. Mitenena ianareo hoe, “Tsia. Kristiana aho.”

¹¹⁰ Hoy izy ireo hoe, “Ah, sarimbavy be ianao!” Fantatrareo, hataony tahaka an'izany ianareo.

¹¹¹ Hitanareo, mijoroa, mitenena hoe, “Mahafaly ahy ny ho izany.” Hitanareo? Satria, hitanareo, izany no nataon'i Mosesy. Nandray ny fanaratsiana an'i Kristy ho harena be lavitra noho ny an'i Egypta rehetra izy. Ankehitriny ndao isika hanaraka azy, tarihan'i Kristy, ka hijery izay nataony.

¹¹² Ankehitriny, hitanareo, nanan-karena ity tovolahy ity, ilay tovolahy voalohany, saingy tsy nila an'i Kristy izy. Tsy te-ho lasa mpanaraka an'i Jesosy izy. Ary dia hitantsika izy fa tena nalaza, angamba lasa mpilalao sarimihetsika anankiray, sy zavatra lehibe anankiray, ao amin'ny—ny zavatra rehetra izay azony natao, sy izay rehetra tiany. Saingy rehefa maty izy, dia tsy nanana na iza na iza mba hitarika azy izy. Noho izany, ny fanabeazzany, tsara izany; ny volany, tsara izany; saingy rehefa tonga ny fahafatesana, dia izay no farany, tsy afaka nampiasa an'izany intsony izy. Tsy afaka nividy ny lâlany ho any An-

danimitra izy. Ary tsy afaka izy, tamin'ny alàlan'ny fanabeazany, tsy afaka nankany An-danitra izy. Hitanareo?

¹¹³ Saingy ity tovolahy ankehitriny ity kosa, dia nanana an'ireo zavatra rehetra ireo izy. Izy dia nahazo fanabeazana, ihany koa. Nahay izy. Nandeha tany an-tsekoly izy niaraka tamin'ny... Nampianatra azy ny reniny, ary—ary nahazo fanabeazana tsara anankiray izy. Ary tena nahay tokoa izy, hany ka, afaka nampianatra ny Egyptiana mihitsy aza izy. Izy no nampianatra ny mpampianany, tena nahay izy. Jereo hoe nahay toy ny inona izy. Saingy, mba fantatrareo moa, teo ambonin'izany fahaizana rehetra izany, teo ambonin'izay nananany rehetra, ny fahaizamanao izay nananany, dia mbola niteny izy hoe, "Hafoiko izany rehetra izany, mba hanarahako an'i Jesosy." Fantatrareo ve izay nataon'izy ireo taminy? Noroahan'izy ireo izy. Lasa a—andevom-potaka anankiray izy tahaka an'ireo sisa tamin'izy ireo.

¹¹⁴ Saingy indray andro rehefa lasa lehilahy lehibe anankiray izy, dia niandry ondry tany an-efitra ambadika tany izy. Ary inona no niseho? Misy olona hiteny amiko ve hoe inona no niseho? Inona ilay izy? [Hoy ny ankizy anankiray hoe, "Nisy Afo anankiray tao anatin'ny kirihitra."—Mpand.] Marina izany, nisy Afo anankiray tao anatin'ny kirihitra, ary Izany no nisarika ny fifantohany. Nivily izy. Ary mba fantatrareo ve?

¹¹⁵ Hoy ianareo hoe, "Ampianaro ny ankizy." Ankehitriny dia ny ankizy no hitsangana ka hampianatra ahy. [Nihomehy Rahalahy Branham—Mpand.] Noho izany, ary io zazalahy kely eto io, izy dia tena teo amin'ilay—tena teo amin'ilay marika mihitsy. Iza no dadanao? [Hoy ilay ankizy hoe, "Atoa. Shantz."] Atoa. Shantz no dadanao. Io zazalahy io dia nampianarina, sa tsy izany? Ny tsirairay amin'ireo maso kely mamirapiratra ireo dia mijery any amin'ny toerana mitovy, ny iray te-hihoatra ny anankiray hafa, hitanareo.

¹¹⁶ Koa ankehitriny jereo, izay nataony, ary io—ary io—io kirihitra io no nisarika azy, nirehitra, ka hoy izy hoe, "Hivily aho ka hahita hoe inona io."

¹¹⁷ Ary hoy Andriamanitra tamin'i Mosesy hoe, "Esory ny kapanao, ny tany izay itsangananao dia masina. Izaho no nifidy anao handeha sy hanafaka ny Oloko. Hanome anao ny hery Aho; afaka mamely ny tany amin'ny vay ianao, afaka manova ny rano ho rà ianao, afaka mahatonga parasy sy hao ianao. Tsy misy na inona na inona handratra anao. Hifidy anao Aho." Nahoana? Satria nifidy an'i Kristy izy. Hitanareo? Ianareo mifidy an'i Kristy, ary Izy mifidy anareo. Hitanareo? Ankehitriny hoy Izy hoe, "Ianao no nifidy Ahy, dia nifidy anao Aho handeha ho any Egypta."

¹¹⁸ Ary jereo izay nataony. Nitarika olona roa tapitrisa izy, olona roa tapitrisa no nivoaka, ny olony, ary nitondra azy ireo ho ao amin'ilay tany nampanantenaina. Ary, ankehitriny, nanaraka

izy. Arahantsika izy tao amin'ny an-efitra rehetra; ary ianareo ankizy ireo dia nandre an-dRahalahy Leo sy Rahalahy Gene, ary ny papanareo sy mamanareo, niteny taminareo hoe inona no niseho tany an-efitra, ahoana no nampidinany mofo avy tany an-danitra ka namokisany ny olona noana, sy ireo zavatra rehetra ireo.

¹¹⁹ Ary ankehitriny dia mahita isika, fa lehilahy antitra anankiray izy ankehitriny, tena antitra izy, roapolon amby zato taona izy. Ary tao an-efitra izy.

¹²⁰ Fa ny olona dia tsy mba nitondra tsara azy, na izany aza. Hitanareo, indraindray ireo olona izay milaza ny tenany ho Kristiana dia tsy mba mitondra tsara anareo. Fa Jesosy kosa dia mitondra tsara anareo foana. Hitanareo? Hitanareo? Koa dia hitantsika ankehitriny fa nikomy taminy ireo olona, saingy izy kosa dia nijanona ho tsara tamin'izy ireo, na izany aza. Ary mpitarika izy, ary tsy maintsy nijanona niaraka tamin'izy ireo izy. Ary niresaka taminy ireo Anjelin'ny Tompo. Tsy ho tianareo ve ny mba hisehoan'izany aminareo? Koa dia ataovy àry ilay safidy tsara, ary fidio Jesosy, dia Hataony izany.

¹²¹ Ankehitriny, avy eo dia mahita isika, ny fiafaran'ilay lâlana, tena antitra izy. Tsy afaka nitory teny intsony izy, ary nihareraka ny feony. Koa dia nitso-drano an'i Josoa izy, ary niakatra teo an-tampon'ilay havoana, mba ho faty.

¹²² Fantatrareo ve izay niseho rehefa maty izy? Tany, inona, inona no niseho? [Hoy ny zazalahy anankiray hoe, “Maty izy, ary avy eo dia Izy no nanangana azy tamin'ny maty.”—Mpand.] Tena marina izany. Tena marina izany.

Ankehitriny hoy ianareo hoe, “Aiza no misy an’izany?”

¹²³ Ankehitriny, iray minitra fotsiny, marina ny an'io zazalahy io, hitanareo. Natsangana tamin'ny maty izy. Ankehitriny, ary...?... Hitanareo? Hitanareo? Ankehitriny jereo. Natsangany tamin'ny maty izy. Nahoana? Satria, valon-jato taona taty aoriana, indro izy tao Palestina, mbola nitsangana niaraka tamin'ny Mpitarika azy, Jesosy, izy ilay nandray ny fanaratsiana ny Anarany ho zava-tsoa be lavitra noho ny harena rehetra an'i Egypta. Izy dia nandray... Nitsangana teo ilay Mpitarika azy. Fantatrareo, Izy dia nantsoina...

¹²⁴ Ao amin'ny—ao amin'ny Baiboly, fantatrareo, dia nisy Vatolampy anankiray izay niaraka tamin'i Israely. Ary rehefa ho faty i Mosesy, dia niakatra teo amin'io Vatolampy io izy. Ary Jesosy izany Vatolampy izany. Tsaroanareo ve rehefa niresaka Jesosy, ary ao amin'ny Masindahy Jaona, ny toko faha-6?

Eny, hoy izy, “Ny razanay nihinana ny mana tany an-efitra!”

¹²⁵ Hoy Izy, hoy Izy, “Ny Raiko no nanome anareo an’izany mana izany.” Hoy Izy hoe, “Hia, nihinana ny mana izy ireo.

Marina izany. Fa izy ireo dia, ny tsirairay, maty, satria tsy nitohy nandroso izy ireo, hitanareo.” Hoy Izzy, “Izy ireo dia, ny tsirairay, maty.” Fa hoy Izzy, “Izaho no Mofon’Aina izay avy tamin’Andriamanitra any An-danitra.”

¹²⁶ “Ny razanay nisotro avy tamin’ny Vatolampy. Mosesy no nikapoka an’ilay Vatolampy,” ary hoy izy, “dia nivoaka ny rano.”

Hoy Izzy hoe, “Izaho izany Vatolampy izay niaraka taminy izany.”

¹²⁷ Ary jereo, rehefa maty Mosesy, dia niakatra teo amin’io Vatolampy io izy. Fantatrareo ve izay niseho? Ny Baiboly no nilaza fa “Anjely” no tonga ka nitondra azy.

¹²⁸ Toy ny inona ny fahasamihafana amin’ilay tovolahy anankiray hafa! Io tovolahy io, hitanareo, rehefa maty izy, dia tsy nanana na iza na iza hihazona azy izy, noho izany dia nilentika fotsiny tao amin’ny aizina izy, tao amin’ny helo, ary ao izy ankehitriny, izay.

¹²⁹ Koa rehefa nandao ny fiainana Mosesy, rehefa lasa izy, dia naka Mpitarika anankiray izy. Nitarika azy tsara ny mamany, nampianatra azy tsara ny rainy. Ary avy eo rehefa tonga taona izy, tovolahy anankiray, dia hoy izy hoe, “Mahita ny Fiainana Mandrakizay aho, raha hiaraka amin’ireto mahantra ireto aho, olona voahilikilia, ka handeha hiaraka amin’izy ireo, satria vahoakan’Andriamanitra izy ireo. Tsy voatery aho. Afaka ny ho tonga mpanjaka anankiray aho, saingy tsy tiako ny ho tonga mpanjaka anankiray. Afaka mahazo ny vola rehetra izay misy ao Egypta aho, satria izaho no ho lasa tompon’izany. Tsy tiako izany. Aleoko handeha hiaraka amin’i Jesosy,” ary avy eo dia namakivaky ny fiainana izy. Ary avy eo rehefa nanomboka nandao ny fiainana izy, dia teo ilay Mpitarika azy izay nitantana azy.

¹³⁰ Tsy mba tianareo ve io Mpitarika io? Tsy mba tiantsika rehetra ve io Mpitarika io hihazona amin’ny Tânany?

¹³¹ An-jato taonany taty aoriana, dia hita izy niaraka tamin’ilay Mpitarika azy lehibe. Izy no nitarika. Izy no nanao ny—izy no nanao ny safidy, tao amin’ny fahatanorany, ary noho izany dia nihazona azy Andriamanitra.

¹³² Mba fantatrareo ve? Ao amin’ny helo ilay lehilahy mpanankarena, ilay tovolahy mpanan-karena izay nandà. Hitanareo, ankehitriny tsarovy, fa nanana fanabeazana izy, nanana fivavahana izy, nandeha tany am-piagonana izy, lehilahy tsara izy, saingy nandà an’i Jesosy izy. Hitanareo?

¹³³ Fa ity tovolahy ity, nampianarina izy, ary nanana fivavahana izy, saingy nila an’i Jesosy izy. Hitanareo, Mosesy dia lehilahy anankiray mpanan-karena lavitra noho—noho ity namana tanora ity, satria izy dia nanana vola maromaro fotsiny, mety ho toeram-piompiana sy zavatra tahaka an’izany, ary angamba

nanao politika sy ny sisa, fa i Mosesy kosa dia natao ho tonga mpanjaka teto amin'ny tany. Ary dia nilaozany izany rehetra izany.

¹³⁴ Ary mba fantatrareo ve, rankizy? Rehefa tsy misy Egypta intsony, ary rehefa tsy misy zava-tsoa intsony, dia mbola hisy Mosesy anankiray foana, satria nisafidy ny zavatra tsara izy. Hitanareo? Nisafidy ny zavatra tsara izy hitarika azy.

¹³⁵ Rehefa tsy misy piramida lehibe intsony! Namaky ny mikasika an'ireo piramida ao Egypta ve ianareo? Indray andro any, dia ho vovoka izy ireo, eo ambanin'ny baomba atomika. Ny harena rehetra an'izao tontolo izao, ny olona no hanipy an'izany eny amin'ny rivotra, ka hiantsoantso, ary hilaza fa izany no nandany ny nofon'izy ireo, ary hiantsoantso sy hidradradradra. Hitanareo, hifarana izany.

¹³⁶ Fa ireo izay manaiky an'i Jesosy hitarika azy kosa, dia tsy ho faty mihitsy izy ireo. Manana ny Fiainana Mandrakizay izy ireo. Na dia maty ara-boajanahary aza izy ireo eto, dia Jesosy no hanangana azy ireo indray.

¹³⁷ Tsy maintsy manao safidy anankiray ianareo. Ny safidinareo no manendry hoe ho inona no fiafaranareo mandrakizay. Tsarovy, Jesosy no mangataka antsika tsirairay avy hoe, "Manaraha Ahy raha tianao ny Fiainana." Hitanareo, fitarihana, "Manaraha Ahy. Hahazo ny Fiainana mandrakizay ianao." Ary azoko antoka, na dia isika lehibe ireo aza, isika dia mahazo zavatra avy amin'izao, ihany koa. Raha ny Fiainana no ilainareo, dia tsy maintsy manaiky an'Izany ianareo. Ny fivavahana no ilainareo, ekeo izany. Raha mila ianareo... Ny tsy maintsy hataonareo, izay ekenareo, dia izany no ho azonareo. Saingy ho ahy sy ho anareo kosa, ary ho an'ireto ankizy madinika ireto, tsarovy, mahazo fanasana anankiray ianareo. Hoy Jesosy hoe, "Manaraha Ahy, dia raiso ny Fiainana Mandrakizay." Izany no tantsika hatao, sa tsy izany?

¹³⁸ Ankehitriny firy aminareo no tena te-hanaraka tokoa an'i Jesosy, ka hanao ianareo hoe, "Eny, eny, rehefa tena lehibe sy tena antitra afaka hanao ny safidiko aho, sy hanao an'izay... Tsy ahoako na ohattrinona izay vola ananako, na mahantara toy ny inona aho, na firy ny olona haneso ahy, sy ny zavatra hafa rehetra, te-hanaraka an'i Jesosy aho. Te-hanao ny safidin'i Mosesy aho, fa tsy ilay tovolahy mpanan-karena"? Firy no te-hanao an'izany mihitsy eto? Ankehitriny tena te-hanao an'izany tokoa ve ianareo?

¹³⁹ Tiako ianareo hitsangana miaraka amiko. Tiako ianareo hametraka ny tanganareo ankavia eo amin'ny fonareo, ary hanangana ny tanganareo ankavanana. Tiako ianareo hanakimpy ny masonareo ankehitriny sy hanondrika ny lohanareo, ka hamerina an'izao teny ho lazaiko izao. [Namerina ny fehezan-

teny tsirairay nolazain-dRahalahy Branham ny fiangonana, tao amin'izao vavaka manaraka izao—Mpand.]

¹⁴⁰ Jesosy Malala, [“Jesosy Malala,”] Atolotro Anao ny fiainako. [“Atolotro Anao ny fiainako.”] Reko izany toriteny izany, [“Reko izany toriteny izany,”] izay nisy tovolahy anankiroa nanao ny safidiny. [“izay nisy tovolahy anankiroa nanao ny safidiny.”] Tsy te-hanaraka ny lâlan’ilay mpanapaka tanora mpanan-karena aho. [“Tsy te-hanaraka ny lâlan’ilay mpanapaka tanora mpanan-karena aho.”] Fa te-hanaraka ny lâlan’i Mosesy aho. [“Fa te-hanaraka ny lâlan’i Mosesy aho.”] Izaho dia mbola ankizy, anefa. [“Izaho dia mbola ankizy, anefa.”] Tariho aho, Jesosy Malala, [“Tariho aho, Jesosy Malala,”] ho amin’ny Fiainana Mandrakizay. [“ho amin’ny Fiainana Mandrakizay.”] Amena. [“Amena.”]

Ankehitriny aondreho ny lohanareo.

¹⁴¹ Jesosy Malala, indray andro, tamin’ny Fivahiniananao tety an-tany, dia nentin’izy ireo teo Aminao ny namana kely tahaka an’ireto izay nireshako ireto izao tolakandro izao. Ary hoy ireo mpianatra hoe, “Efa reraka loatra ny Mpampianatra. Nitory teny Izy aninkeo maraina. Nitory teny Izy, ity sy izao, ka reraka loatra Izy. Aza manelingelina Azy ianareo.”

¹⁴² Saingy, Jesosy, hoy Ianao hoe, “Avelao ny ankizy kely hanatona Ahy, fa an’ny toa azy ny Fanjakan’ny Lanitra.”

¹⁴³ Tompo Andriamanitra, androany dia raiso ireto zazalahy kely sy zazavavy eto ireto, ato amin’ity sekolin’ny fahamarinana ity, eto amin’izay nahatongavan’ny rahalahinay hihataka aty amin’ny sisin’ny an-efitra aty, hitondra ny fianakaviana izay maniry hampisaraka ny tenany amin’ireo zavatr’izao tontolo izao, mba honina ho Anao irery ihany. Ary ankehitriny eto ireo madinika keliny, mijery ny fiainan’ireo rainy sy reniny, satria izahay—izahay no ohatra amin’izay rehetra ataonay. O Andriamanitra Malala, Mpanao ny Lanitra sy ny tany, tariho ny tongotray, Tompo, mba tsy hanaovanay na inona na inona eo anoloan’ireto madinika kely ireto, izay mety hametraka vato mahatafintohina eo amin’ny lâlan’izy ireo. Fa izao no voalaza hoe, tsaratsara kokoa ho anay ny hamatorana vato fikoseham-bary eo amin’ny tendanay, dia hatsipy any an-dranomasina, toy izay ny hanafintohina ny iray amin’ireto madinika kely ireto. Hoy Ianao hoe, “Ny Anjelin’izy ireo dia mahita mandrakariva ny tavan’ny Raiko izay any An-danitra,” ilay Anjely lehibe, sy Anjely mpiambina, an’ny tsirairay amin’ireto fanahy kely ireto.

¹⁴⁴ Raha mipetraka izy ireo izao tolakandro izao miaraka amin’ny maso keliny misokatra tsara, mijery ary mamaly ny fanontaniana, ka mihaino an’ireo tantaran’ankizy kely ao amin’ny Baiboly, ny amin’ny hoe ahoana no nanaovan’ireto tovolahy anankiroa ireto ny safidiny, ary ny tsirairay tamin’izy ireo dia nanokana ny fiainany ho Anao. O Jehovah

Andriamanitra, tariho izy ireo, arovy izy ireo. Ary enga anie izy ireo hahita an'ilay Mpitarika lehibe, Jesosy Kristy, izay hitarika azy ireo rehefa nahavita ny azy ny ray sy reny ary ireo mpampianatra. Enga anie Ianao hitarika azy ireo ho amin'ny Fiainana Mandrakizay, tahaka ny Nataonao tamin'i Mosesy, ka ny fivavak'izy ireo tsotra, kely, an'ankizy no miakatra any Aminao. Atolotro Anao izy ireo, Tompo, amin'ny maha-Mpanomponao, ho tahaka ny amboara sy vatosoa ho an'ny Satroboninahitrap. Ampiasao izy ireo, Tompo, hanome voninahitra Anao, eto an-tany. Amin'ny Anaran'i Jesosy Kristy. Amena.

¹⁴⁵ Ary ianareo madinika kely ireo, namana, dia afaka... Ankehitriny dia mahazo aina kokoa amin'izay ve ianareo mikasika an'ilay izy izao? Mahafantatra ianareo fa Jesosy no hitarika anareo ary hitari-dàlana anareo. Tsy mino an'izany ve ianareo? Ary Jesosy dia hanao anareo zazalahy kely ireo ho tena tahaka an'i Mosesy sy Miriama, ilay mpaminanivavy sy—sy ilay mpaminany, hanao olona malaza avy aminareo Izy.

¹⁴⁶ Ankehitriny, isika zokiolona, izay nanaiky Azy, tsy mila Azy ve isika hitarika antsika, ihany koa? Izaho mila Azy hitarika ahy, hitari-dàlana ny tongotro, hihazona ny tànako. Hitanareo? Ary na dia rehefa tonga eo amin'ilay renirano aza aho, izaho—izaho dia tia ny hahazo ny fihazonan'ny Tânany. Isika rehetra dia mila an'izay, sa tsy izany?

¹⁴⁷ Jesosy Malala, mitariha anay, ihany koa, Ray. Ankehitriny dia miomana ny hisaraka izahay. Tsy maintsy hiverina any Tucson aho. Tsy maintsy mivonona aho ho an'ny favoriana izay ho avy. Andriamanitra, manolotra an'ity andian'olona ity aho, Rahalahy Leo sy Rahalahy Gene, ary ireo mpanaraka rehetra eto, ho eo an-Tànanao, ka Ianao no hitahy azy ireo sy ho tia azy ireo, hamela ny helony rehetra, hanasitrana ny aretiny rehetra, hihazona azy ireo mandrakariva ao amin'ny fitiavana sy fiombonana, ary hampahery an'ireo izay hanana...izay ketraka. Ary indraindray dia mety ho tonga i Satana ka hanao azy ireo ho kivy, saingy, tsarovy, efa niaritra ny zavatra toy izany Ianao, fahakiviana, nilaozan'ny—ny lehilahy teto amin'ity tany ity, sy ny olona. Ary indraindray ireo tena sakaiza malalanay indrindra, na dia ireo akaikinay aza, dia ilaozana izahay. Saingy misy Anankiray izaynofidianay, Izy no tsy hamela anay mihitsy na handao anay.

¹⁴⁸ Tariho izahay, Tompo, ho amin'ny Fiainana Mandrakizay. Mivavaka aho mba Hanekenao an'izany mba hahafahanay mivory miaraka mandritra ny fotoana maro, eto ambonin'ny tany, ka hiteny ny Aminao sy hiresaka ny Aminao. Ary koa amin'io Andro lehibe io, rehefa tapitra izao tontolo izao ka hilentika ao anatin'ny Mandrakizay ny fotoana rehetra, dia enga anie izahay hihaona ao amin'ilay Fanjakana lehibe, ho toy ny fianakaviana tsy voasaraka, hiaina miaraka mandrakizay any

ankoatra. Ekeo izany, Tompo. Mandra-pahatongan'izany, dia enga anie izahay hiasa, hiasa mafy amin'ny herinay rehetra, raha mbola mihiratra ny masoandro. Fa mangataka an'izany amin'ny Anaran'i Jesosy izahay. Amena.

¹⁴⁹ Andriamanitra hitahy ny tsirairay avy aminareo. [Elanelana tsy voaraki-peo—Mpand.]

Amin'ny alàlan'ny Tolo-tsainy no hitarihany,
hanohanany anareo,

Amin'ny Sandriny azo antoka no hiambenany
anareo;

Homba anareo anie Andriamanitra mandra-
pihaonantsika indray!

Mandra-pihaonantsika! mandra-pihaonantsika!

Mandra-pihaonantsika eo an-tongotr'i Jesosy;

Mandra-pihaonantsika! mandra-pihaonantsika!
(Misactra anao, rahalahy.)

Homba anareo anie Andriamanitra mandra-
pihaonantsika indray!

Andriamanitra hitahy anareo rehetra.



FITARIHANA MAG65-1031A
(Leadership)

Ity Hafatr'i Rahalahy William Marrion Branham ity, izay notoriana tany amboalohany tamin'ny teny Anglisy ny Alahady tolakandro, 31 Oktobra, 1965, tao amin'ny Pine Lawn Trailer Park ao Prescott, Arizona, U.S.A., dia nalaaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2014 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org